

B e i l a g e n.

A. U r k u n d e n.

I.

balczar vchtricz kawfft von dem aldin luckisse ein
gut. 1515 a. t. burghardi.

Noch Cristi vnnsers Herrn geburt Tausent cccc vnnnd ym
xix Tore am tag Besuchunge marie ist komenn Richter vnnnd
Scheppenn zcu Grossen Schone d' Richter Hans Herfart Juder,
Nickel Kofeler adam molter Hans Schuffener michel Newman
anthonius pewcker Nickel Dresser vnnnd habin bekant vor dem
ErbHerrn Anthonius vonn vchtricz Das balczar
vchtricz Das gutt Das Her iczund' ynn besiczunge hot Dem
aldin luckisse Den got selliche vnnnd seynenn kyndernn abege-
kawfft hot vor ij hundirt vnnnd vor xx margk vj vnnnd xxxxx
vor eyne margk gerehint allenthalbin mit seynem Drittenteyll
vnnnd sal gebin uff Erbe tage uff pfingistenn vnnnd martinj uff
iczlichenn tag ij margk Sulch kawff ist geschenn vor dem Er-
barnn vnnnd woltuchtigenn hansenn vonn vchtricz den got
selig Die czeit Erb Herre am tag burghardi vnnnd yn Fun-
czenn vnnnd ym xv Tore

Schöppenb. Vol. I, S. 13.

II.

balczar vchterbis sagt dem Anthonius von vchterbicz
das vorbergk vnnnd guth luß 1520 a. Dienst. ante assens.

Item Im 1520 Jhar am Dinstagk ante assensionis Dm̄ hoth
balczar vchterbis Dem gestrengenn vnnnd vhestenn, Anthonius von
vchterbicz vnnnd allen seynen brüderenn vnd erbneimen das vorbergk
vnd güth allent halbenn vor sich vnnnd seyne Erbenn vnd Erb-
nemen gar' queyt luß vnnnd ledigk gesageth vnd geloffenn mit
Handt vnnnd mündt nymer nyscht Dor vff zcu fordern Den baß
ER schüldt vnnnd gerechtekenyth Dor vff gehath hoth Das alles
Dem Erbernn vnnnd vhestenn Jergen von bernsteyn vor beyß
vnnnd zcu geschribenn ist Das ist geschenn vor richter vnnnd
schöppen Der richter Dy Beeyt hans her'fferth Dy schöppen
Adam müller Michel newman Anthonius bawcker

Schöppenb. Vol. I, S. 15.